

「國家社會科學基金重大項目」

何建明

主編

中國地方志  
佛道教文獻匯纂

人物卷

(71)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志  
人物卷  
（71）

佛道教文獻匯纂

國家圖書館出版社

中國地方志佛道教文獻匯纂·人物卷  
江西省 九江市

# 都昌縣志

清·狄學耕修 劉庭輝 黃昌藩纂  
清同治十一年（一八七二）刻本

都昌縣志

卷十六

藝文

五

仙

晉

蘇耽柳州人與許旌陽爲物外交遇異人授仙術寓居四十二都舊山後遷元辰山止息煉丹事母以孝聞一日忽掃庭以待母問故對曰仙道已成天帝來召母曰汝仙去吾誰養乃畱一櫃云所需都有又云明年大疫取庭前橘葉井水救之耽上昇已而果疫母日活多人亦仙去宋元符中賜耽號中

素真人大磯唐湖等山胥建祠祀之祈禱輒應今大磯山有七步石云是許旌陽仙昇日蘇仙七步登此石以望因名

按水經注蘇耽郴州人少孤養母至孝忽辭母云受性應仙當違供養後見耽乘白馬還山中因名馬嶺山又洞仙傳曰桂陽人桂陽卽郴州屬縣今郴州有橘井蘇仙橋諸遺跡王維詩有已曾衡嶽送蘇耽之句杜甫元結皆有詠郴州橘井詩是蘇仙上昇固在湖廣與都昌無與也舊志謂與許真君爲物外交亦不知所據而里俗相傳有丹竈丹臼奉母庭磨劍池馬蹄洞跡源諸跡前人題詠載在藝文姑存之

癸未志按

吳猛字世雲豫章人一云濮陽人少有孝行當盛夏夜不驅蚊

懼其去已而嚙親也年四十邑人丁義授以神方繼師鮑靚復得祕術一日還豫章江波甚急猛不假舟楫以白羽扇畫水而渡世傳與蘇耽同隱於本縣舊山修煉遺跡俱存宋封

神烈真人

六字據省志補

黃仁覽字紫庭豐城人神彩英秀局量凝遠許旌陽以女妻之嘗至本縣七都見其山明水秀遂止之後同許飛昇居民爲立廟山巔因名黃岡山

按名勝志及江一川黃岡山廟碑仁覽瑞之高安人御史黃輔子嘗爲青州從事有竹杖化龍暮騎歸省旦復還署之異後舉家上昇宋封冲道真人其未仙以前不傳有止淨七都

山事而舊志云爾不知又何所本姑附質於此

唐

劉元和號混成其先彭城人寄居於都昌幼穎悟長而不羣及養親終喪後年幾四十有拔俗出塵之志遂入廬山龍興觀禮三洞法師何子玉爲師忽一日下至觀西鑿丹井浸水以療人之疾多獲瘥愈嗣棲止五老峯石室中計五十二年山北有巖手植木瓜於其下今號木瓜巖唐貞元十年十月十

八日仙去

省志

釋

舊志載僧釋頗多然惟錄創建未詳法嗣今按創建僧名已詳見於各寺觀下似可無庸重複謹擇其一二出

世者采省志府志補傳其師承法侶焉

鄧昌縣志

卷十六

仙釋

三

唐

馬祖道一禪師

舊志脫道字

景德傳燈錄云道一漢州什邡人姓馬

氏故稱馬祖得法於南嶽懷讓

讓得法於曹溪六祖

自建陽佛蹟嶺遷

臨川次至南康龔公山大厯四年開道場於鍾陵開元寺洪

州廉使問曰喫酒肉是不喫酒肉是答曰若喫是中丞祿不

喫是中丞福龐居士蘊嘗參道一日不與萬法爲侶者是甚

麼人道一日待汝一口吸盡西江水卽向汝道居士大悟遂

廁門徒焉貞元四年二月一日沐浴跣趺而逝元和二年賜

諡大寂禪師釋氏稽古錄云懷讓參六祖六祖曰西天二十

七祖波若多羅識汝足下出一馬駒踏殺天下人蓋指馬祖

也開元時雲遊至都昌新開佛興禪山等寺皆其鼎建

赤眼智常

舊志作  
僧赤眼

府志云法名智常南嶽下二世嗣馬祖刺史

李渤問芥子如何納得須彌常曰聞使君讀書萬卷信乎渤  
曰然常曰是心如椰子大萬卷書於何處置之渤大悟常目  
本童瞳時以藥手按摩兩目俱赤世號赤眼禪師傳燈錄云  
勅謚至真禪師嘗止淨於本縣白塔寺因鼎建松峯院暨善  
明資福等寺

明

僧古愚萬歷時修淨佛殿山卽古長慶寺址又建香積院拈花  
室二賦菴等處

僧復初萬歷時從蜀中至本縣龍王腦見山水之勝止淨數載  
薙草開林宏敷象教建有篁竺菴

國朝

此念智正曹洞正宗三十五世本邑舒氏子禮佛殿山古愚師  
受廣信雪澗戒嗣杭州南山天愚寶其法侶圓貴皆有龍象  
焉此一係另無  
考照舊志錄

中國地方志佛道教文獻匯纂·人物卷  
江西省 九江市

# 建昌縣志

清·李道泰修 袁懋芹纂  
清康熙十四年（一六七五）刻本

卷之八

仙釋

儒者守經衛道輒詆訾二氏矣顧管窺者篤于

仙釋

三

通志

卷之八

自封舉一者病其廢百藉令株株焉守一家言  
如閉門塞竇然豈足以達于昭曠哉昔者程子  
已見周茂叔猶復出沒于二氏者幾十年然後  
反求諸六經然則愈博涉旁通而不害爲專門  
無庸避老佛之形而畏其影也志仙釋

漢

葛生隱新吳山草衣木食逍遙物外時孫策據江  
東太史慈爲建昌都尉異其人飲食之間以休  
咎生握拳不語而去後人迹其處虎豹環側不

可近反大帝權建吳國方知提拳之兆云

葉千韶字魯聽少師廬山道人十二真君辟穀服  
氣嘗遇白衣人言君道德隸仙籍當在人間役  
使鬼神其後能致風雨驅雷電救疾疫不知所  
終

許真君遜字敬之少好道從吳猛傳三清法要太  
康初爲旌陽令施濟利物尋棄官謁女真謹母  
于丹陽授以仙訣遂歷廬山抵豫章煉丹于艾

之黃龍山丹成得寶劍梅山之下永嘉末海昏  
有巨蛇噓氣噏人吞噬甚衆乃仗劍行斬之後  
于豫章遇美少年謂弟子曰此江湖老蛟之精  
跡其所之戮之并其餘醜自是水妖屏迹城邑  
無虞卒歸舊隱以寧康二年八月一日拔宅上  
昇相傳有千二百四十年間當出地仙八百之  
識

施岑字大玉沛郡人徙居九江雄偉多力弓劍絕  
倫許真君初領徒誅蛟龍大蛇會鄉壯三百餘

人助力岑與焉真君使與甘伯武執劍從侍方  
右寧康初御蒼虬乘雲而去

甘戰字伯武豐城人有孝行喜神仙術從許真君  
遊真君異其材器凡與文秘訣悉命掌之自是  
周遊江湖誅蛟龍無不從焉及真君上昇戰  
歸豐城陳大建初乃駕麟車乘雲而去宅爲飛

篁觀

斬蛇事屬建昌伯  
武大玉具張志

李元基唐武德初隱建昌葛山有道術能坐立

亾人莫之測時時經行以符藥救人探虎骨金  
鵲影活魚鱉甚泉夜露草野中代宗末插松栢  
滿身飛去後有人採藥蒼山見元基跨青鹿行  
若飛問之不應莫知所之

歐岌不知何許人舊志云岌修煉得道住雲居禪  
寺有年時人稱爲歐岌先生一云楚將避秦王  
翦之難潛避此山故雲居一名歐山

吳彩鸞唐太和中女仙也曾舞鸞

張志于此縣東

有娉婷鎮

彩鸞常寫孫桐唐南岳說書生文鏡  
與吳遇生貧吳爲寫此貨之一云云